



GRUPO DE DESENVOLVEMENTO RURAL

ULLA TAMBRE MANDEO

BAREMO PROXECTOS PRODUTIVOS

I. Normas para a xestión da estratexia

1. Requisitos xerais dos proxectos

Con carácter xeral, os proxectos que soliciten as axudas deben cumprir os seguintes requisitos:

- Estar localizados no ámbito xeográfico de actuación do GDR Ulla Tambre Mandeo.
- Ser viables técnica, económica e financeiramente, para os proxectos de natureza produtiva, e técnica e financeiramente para os non produtivos.
- Adecuarse á estratexia de desenvolvemento local definida.
- Axustarse a normativa sectorial (comunitaria, estatal e autonómica) que resulte de aplicación para cada tipo de proxecto.
- Ser finalistas: que na data da xustificación final dos investimentos ou gastos subvencionados cumpran os obxectivos e funcións para os cales foron aprobados os proxectos. Non serán subvencionables fases dun proxecto que non constitúan unha actividade finalista.
- Que os proxectos para os cales se solicita a axuda non estean iniciados.

a. Regras xerais de cálculo de porcentaxe

Cada proxecto será analizado e valorarase de acordo cos criterios establecidos no baremo que figura a continuación. En función da puntuación que obteña, corresponderalle unha porcentaxe de axuda. Esta porcentaxe de axuda variará en función da natureza do proxecto, e das limitacións establecidas na normativa e demais instrucións que lle sexan aplicables no desenvolvemento do proxecto.

O importe da axuda non poderá superar en ningún caso os importes máximos establecidos por Agader, Resolución do 27 de abril de 2023 pola que se establecen as condicións e os obxectivos para garantir a idónea execución do programa Leader de Galicia para o período 2023-2027, así como as regras para a elaboración das estratexias e os criterios de puntuación referidos ós territorios que se correspondan coas estratexias de desenvolvemento local que sexan seleccionadas.

O importe de axuda que, como máximo, pode percibir un proxecto de natureza produtiva ascenderá a 200.000,00 €. Por outra parte, os proxectos produtivos que se amparen no Regulamento (UE) nº 2023/2831 da Comisión, do 13 de decembro, relativo á aplicación dos artigos 107 e 108 do Tratado ás axudas de mínimos, limitaranse a un máximo de 300.000,00 € por promotor durante un período de tres exercicios fiscais. A porcentaxe de axuda máxima para os proxectos produtivos ascenderá ao 50%, agás os proxectos elixibles en transformación e comercialización de produtos forestais, onde a porcentaxe máxima de axuda se establece no 40%.

O importe de axuda que, como máximo, pode percibir un proxecto de natureza non produtiva ascenderá a 200.000,00 €.

Os proxectos que opten polo Bono Activa Rural estarán limitados a unha axuda máxima de 18.000,00 por proxecto. Se, por puntuación, son seleccionados como beneficiarios dunha axuda Leader, esta será automaticamente de 18.000,00 euros.

Para que un proxecto poida ser seleccionado terá que acadar unha puntuación mínima de 21 puntos.

A porcentaxe máxima de axuda para cada tipo de proxecto, será outorgado a aqueles proxectos que obteñan unha puntuación superior a 70 puntos.

As porcentaxes de axuda entre o máximo e o mínimo, unha vez definidas a nota de corte e a nota á cal se lle asignará a porcentaxe de axuda máxima, calcularanse mediante unha relación proporcional directa cos puntos obtidos no baremo, axustada esa porcentaxe a dous decimais, e tendo en conta que a porcentaxe de axuda mínima que poderán percibir os proxectos sitúase no 15% para os proxectos produtivos e no 30% para os proxectos de natureza non produtiva, axustada esa porcentaxe a dous decimais redondeado pola regra matemática do cinco.

- **PROXECTOS PRODUTIVOS**

PUNTUACIÓN	PORCENTAXE DA AXUDA
Puntuación < 21 puntos	Excluído
21 puntos	15%
21 < Puntuación ≤ 70 puntos	Incrementos proporcionais de acordo á puntuación ata un máximo do 50%.
Puntuación > 70 puntos	50%

- **PROXECTOS NON PRODUTIVOS**

PUNTUACIÓN	PROXECTOS DE PRIORIDADE ALTA	PROXECTOS DE PRIORIDADE MEDIA	PROXECTOS DE PRIORIDADE BAIXA
Puntuación < 21 puntos	Excluído	Excluído	Excluído
21 puntos	50,00%	40,00%	30,00%
21 < Puntuación ≤ 70 puntos	Incrementos proporcionais ata un máximo do 90%	Incrementos proporcionais ata un máximo do 70%	Incrementos proporcionais ata un máximo do 50%
Puntuación > 70 puntos	90,00%	70,00%	50,00%

b. Procedemento para priorizar e seleccionar os proxectos verificados

Para os efectos de que a Xunta Directiva do GDR remita a Agader a relación dos proxectos para os que se propoña a concesión de axuda con cargo a cada anualidade, o GDR establece o seguinte procedemento, non discriminatorio e transparente, de priorización de expedientes que contén coa verificación favorable do ICE. A relación de

expedientes propostos pola Xunta Directiva farase ata esgotar o crédito anual e incluírá a distribución de axuda por anualidades e o prazo máximo de execución de cada un dos expedientes propostos.

Os expedientes produtivos ordenaranse de maior a menor puntuación acadada no baremo correspondente ó ICE verificado de cada un dos proxectos para a proposta de concesión de axuda. En caso de empate, seguirase o criterio da puntuación total acadada no apartado referido á incidencia no emprego (apartado 2, cun máximo de 25 puntos), priorizando a axuda do proxecto con maior puntuación. Se aínda houberse empate entre dous proxectos, usarase a data de solicitude de axuda, coa priorización do que se solicitara antes, segundo o número de entrada no rexistro.

A relación dos expedientes non produtivos que se propoña pola Xunta Directiva para a concesión de axuda incluírá, en primeiro lugar, os considerados de prioridade alta, despois os de prioridade media e a continuación os de prioridade baixa, e dentro de cada categoría, ordenaranse segundo a puntuación do baremo correspondente ó ICE verificado en cada un dos proxectos. En caso de empate, a priorización farase atendendo ó de maior puntuación na incidencia ambiental (punto 3.4, máximo 15 puntos). Se aínda houberse empate, atenderase á data de solicitude de axuda, priorizando o que a presentase antes segundo o número de entrada no rexistro.

Os proxectos con ICE verificado que non puideran ser obxecto de concesión de axuda por falta de fondos dispoñibles na anualidade en curso, pasarán á selección no ano seguinte competindo cos novos proxectos que se presenten. Deixarase constancia na solicitude de axuda da aceptación expresa dos promotores relativa a esta circunstancia.

II.- Criterios para establecer a prioridade e seleccionar proxectos produtivos

Todos os proxectos que cumpran os requisitos xerais da convocatoria e o requisito específico do GDR Ulla Tambre Mandeo (ver parágrafo seguinte) serán valorados en función da análise dos seguintes aspectos, segundo a natureza do proxecto.

Aquelas persoas e entidades promotoras que resulten beneficiarias dunha axuda do Programa Leader 2023-2027, deberán comprometerse como mínimo a unha creación de emprego de 1 UTA no caso de presentar posteriores solicitudes para poder ter a consideración de proxecto beneficiario de axuda.

TERMOS CLAVES UTILIZADOS NO BAREMO:

- **PARADOS/AS DE LONGA DURACIÓN:** Persoas que leven máis de doce meses nunha situación de desemprego no momento da solicitude.
- **MOCIDADE:** Persoas con idade inferior ós 41 anos.
- **MAIORÍA:** En todos os ítems do baremo se entende unha maioría simple, máis do 50%.
- **PARTICIPACIÓN MAIORITARIA OU PARTE SUBSTANCIAL:** en máis dun 50%, a non ser que se especifique outra cousa no criterio.
- **COLECTIVOS DESFAVORECIDOS:** mulleres, mocidade, inmigrantes, parados de longa duración e persoas cun grado de discapacidade superior ó 33%

A) PROXECTOS PRODUTIVOS

1) SITUACIÓN XEOGRÁFICA DO PROXECTO: 40 puntos.

Valoraranse os seguintes aspectos:

Criterio	Puntuación máxima
1.1. Nivel de desenvolvemento económico do concello (Rendemento medio declarado do IRPF 2020)	11
1.2. Variables demográficas do concello (2022)	23
1.2.a. Densidade de poboación	6
1.2.b. Variación da poboación	6
1.2.c. Envellecemento da poboación	11
1.3. Taxa de desemprego (2022)	6
TOTAL PUNTOS	40

Nivel de desenvolvemento económico do concello (Rendemento medio declarado do IRPF 2020):

Rendemento medio declarado do IRPF 2020 (€)	PUNTUACIÓN	Concellos
IRPF > 13000	7	Melide, Arzúa, O Pino
13000 ≤ IMRF < 12000	8	Touro, Vilasantar
12000 ≤ IMRF < 10000	9	Boimorto, Santiso
IRPF ≤ 10000	11	Sobrado, Toques
Puntuación máxima: 11		

Fonte: www.ige.eu

Densidade de poboación. Ano 2022:

DENSIDADE (hab/km2)	PUNTUACIÓN	Concellos
Densidade > 40	3	Melide,
30 < Densidade ≤ 40	4	O Pino, Touro, Arzúa
20 < Densidade ≤ 30	5	Santiso, Boimorto, Vilasantar
Densidade ≤ 20	6	Sobrado, Toques
Puntuación máxima: 6		

Fonte: www.ige.eu

Variación da poboación no último decenio. Período 2013-2022:

VARIACIÓN DA POBOACIÓN (%)	PUNTUACIÓN	Concellos
Redución da poboación < 5%	3	Melide, O Pino
5% ≤ Redución poboación < 10%	4	Arzúa, Vilasantar
10% ≤ Redución poboación < 15%	5	Boimorto, Touro, Sobrado, Toques
Redución da poboación ≥ 15 %	6	Santiso
Puntuación máxima: 6		

Fonte: www.ige.eu

Envellecemento da poboación. Ano 2022:

ENVELLECIMENTO DA POBOACIÓN	PUNTUACIÓN	Concellos
Envellecemento da poboación < 200	7	Melide
200 ≤ Envellecemento < 300	8	O Pino, Arzúa,
300 ≤ Envellecemento < 400	9	Touro
Envellecemento ≥ 400	11	Sobrado, Vilasantar, Santiso, Toques, Boimorto
Puntuación máxima: 11		

Fonte: www.ige.eu

Taxa de desemprego. Ano 2022:

Taxa de desemprego municipal para o ano 2022 (%)	PUNTUACIÓN	Concellos
Taxa de desemprego > 10%	6	Melide
10% ≥ Taxa de desemprego > 9%	5	Touro
9% ≥ Taxa de desemprego > 7%	4	Santiso, Arzúa, Boimorto, O Pino
7% ≥ Taxa de desemprego	3	Vilasantar, Toques, Sobrado
Puntuación máxima: 6		

Fonte: www.datosmacro.com

2. CARACTERÍSTICAS DO PROMOTOR OU PROMOTORA E ÁMBITO DE ACTUACIÓN DO PROXECTO: máximo 10 puntos

2.1. Tipoloxía do promotor ou promotora.

2.1.a. Persoas físicas. Máximo: 10 puntos.

Criterio	Puntuación máxima
Proxectos promovidos por persoas pertencentes a colectivos desfavorecidos da poboación	6
Proxectos promovidos por mulleres desempregadas con fillos/as menores de idade ou cargas familiares	6
Que a persoa promotora teña unha formación regrada para desenvolver a actividade a poñer en marcha	6
PUNTUACIÓN MÁXIMA	10

2.1.b. Persoas xurídicas. Máximo: 10 puntos.

Criterio	Puntuación máxima
Proxectos promovidos por persoas xurídicas nas que a maioría dos socios pertencen a colectivos desfavorecidos da poboación	7
Proxectos promovidos por persoas xurídicas nas que a maioría dos socios sexan mulleres desempregadas con fillos ata 18 anos ou cargas familiares	7

CMVMC, cooperativas ou empresas de traballo social	9
Concellos, entidades públicas locais ou empresas públicas locais	10
Proxectos nos que a persoa representante da entidade sexa unha muller	6
Que, polo menos, unha das persoas socias da entidade promotora conte cunha formación regrada específica para desenvolver a actividade a poñer en marcha	6
PUNTUACIÓN MÁXIMA	10

3. INCIDENCIA NO EMPREGO. Máximo 15 puntos.

Criterio	Puntuación máxima
3.1. Número de UTAs creadas	6
3.2. Contratación de colectivos desfavorecidos	6
3.3. Contratación de persoas cualificadas (contrato de traballo de persoa con estudos superiores) ou cun salario medio superior á medida galega para o ano	14
PUNTUACIÓN MÁXIMA	15

Este apartado soamente poderá valorarse se se cumpre un mínimo de 0,25 UTAs de creación.

3.1. Número de postos de traballo creados. Máximo: 6 puntos

Súmanse 2 puntos por cada UTA creada, ata un máximo de 6 puntos. Enténdese o incremento dunha UTA, con respecto á media anual anterior ó momento da solicitude.

3.2. Contratación de colectivos desfavorecidos. Máximo: 6 puntos

Neste apartado valorarase con 1 punto adicional o requisito de que cada UTA contratada pertenza a colectivos desfavorecidos para os postos de traballo creados en virtude do criterio 3.1. Os empregos creados a tempo parcial ou fixos discontinuos computarán proporcionalmente.

3.3. Contratación de persoas cualificadas ou cun salario medio superior á medida galega. Máximo: 14 puntos

Neste apartado valorarase con 3 puntos adicionais cada contrato de traballo creado en virtude do apartado 3.1 se cumpre calquera dos seguintes requisitos:

- Que se trate de contratos do grupo 1 ou 2 (persoas con estudos superiores)
- Que se trate de contratos cunha remuneración superior ó salario medio bruto anual para Galicia no ano 2022 (fonte: INE), establecido nos 23.929,20 euros.

Os empregos creados a tempo parcial ou fixos discontinuos computarán proporcionalmente.

Para o caso de proxectos da tipoloxía Bono Activa Rural, a puntuación do epígrafe INCIDENCIA NO EMPREGO, só se aplicará para as UTAS creadas a maiores da propia UTA da persoa promotora.

4. IMPACTO DO PROXECTO SOBRE O TERRITORIO. Máximo 35 puntos.

Criterio	Puntuación máxima
4.1. Proxectos segundo o obxecto do proxecto con relación á Estratexia de Desenvolvemento Local 2023-2027	25
4.1.a. Proxectos que teñan por obxecto fundamental unha das áreas prioritarias (ver listado despois desta táboa)	20
4.1.b. Proxectos que contribúan a consecución dunha das áreas determinadas como prioritarias (ver listado despois desta táboa)	10
4.1.c. Proxectos que incorporen melloras da man da dixitalización: teletraballo, venda online, etc.	7
4.1.d. Proxectos que supoñan a aparición dun novo servizo ou actividade a nivel municipal	7
4.1.e. Proxectos que recuperen unha infraestrutura ou espazo degradado ou ben que eliminen o feísmo na intervención.	7
4.1.f. Proxectos que se localicen en polígonos industriais ou parques empresariais	7
4.2. Incidencia ambiental no desenvolvemento do proxecto ou na actividade	10
4.2.a. Incorporación de sistemas de xestión ambiental á empresa: ISO 14001, EMAS, Ecolabel, FSC, certificación ecolóxica, secuestro de carbono, etc. certificadas no momento do pagamento final.	7
4.2.b. Introducción de medidas de eficiencia enerxética cun aforro respecto á situación de partida superior ó 40%, acreditado cun informe técnico	6
4.2.c. Uso de enerxías renovables	6
4.2.d. Medidas de prevención de xeración de residuos, reutilización ou reciclaxe de materiais e/ou augas acreditado mediante informe técnico (mínimo dun 15%)	7
TOTAL PUNTOS	35

Os ítems 4.1.a e 4.1.b son excluíntes entre si.

Proxectos que teñan por obxecto (4.1.a) ou contribúan (4.1.b) unha das seguintes áreas determinadas como prioritarias na estratexia. **Considérase que teñen por obxecto fundamental** as áreas prioritarias, cando a actividade do proxecto vai destinado, especificamente, a elas. Por exemplo, unha queixería D.O.P. Arzúa-Ulloa ten por obxecto fundamental a transformación e comercialización do leite. **Considérase que o proxecto contribúe a consecución destas áreas**, cando a súa actividade non é especificamente destas áreas, pero as aborda dalgunha

maneira. Por exemplo, un hotel no Camiño Norte pode ter unha pequena tenda na que ofrezca unicamente produtos do territorio e queixo D.O.P. Arzúa-Ulloa, o que contribúe a comercialización e mellora da imaxe de produtos agroalimentarios do territorio, sendo a actividade principal a de aloxamento.

ÁREAS PRIORITARIAS:

1. Incremento do valor engadido do leite a partir de: diferenciación con marca propia e comercialización directa da explotación, incorporación de sistemas de calidade (certificación ecolóxica, D.O.Ps) e/ou transformación do mesmo.
2. Creación de iniciativas empresariais que redunden na posta en produción de parcelas non produtivas, abandonadas e/ou infrautilizadas a través do uso das ferramentas da Lei de Recuperación da Terra Agraria.
3. Investimentos que xeren servizos turísticos de: cicloturismo, natureza ou valorización dos elementos patrimoniais establecidos como prioritarios: Fervenza das Brañas, San Antolín de Toques, Mosteiro e Lagoa de Sobrado, Campamento Romano da Ciadella, Praza do Convento de Melide, Río Ulla, Camiños de Santiago, Igrexa e Batán de Santa María de Mezonzo en Vilasantar, embalse e ferri en Portodemouros.
4. Mellora e modernización de empresas locais materializadas a partir da transferencia de coñecemento e innovación de centros investigadores (Universidades e Centros Tecnolóxicos).
5. Mellora da calidade de vida da poboación local coa dotación e mellora de servizos de benestar, conciliación e atención a persoas con discapacidade.
6. Investimentos orientados á mellora da mobilidade da poboación local.
7. Mellora nos procesos de produción e comercialización das empresas locais caracterizada por unha redución mínima do 40% no consumo de auga, de materiais ou embalaxes (envases, paquetes, etc.) ou de emisión de contaminantes á atmosfera. Tamén proxectos con investimentos para o cambio a envases e embalaxes sostibles (en todo caso, que non se trate de plásticos).
8. Transformación, comercialización e mellora da imaxe de produtos agrarios e agroalimentarios, distintos dos lácteos, do territorio con marca propia así como daqueles con certificación ecolóxica de Galicia
9. Diversificación dos aproveitamentos forestais do territorios: especies forestais autóctonas e outros produtos transformados, etc.¹ E proxectos que interveñan no medio natural en Rede Natura 2000.

¹ En concreto, incentivarase o aproveitamento económico das especies recollidas no anexo I do DECRETO 73/2020, do 24 de abril, polo que se regulan os aproveitamentos madeireiros e leñosos, de cortiza, de pastos, micolóxicos e de resinas en montes ou terreos forestais de xestión privada na Comunidade Autónoma de Galicia. Tamén se incentivará o aproveitamento de froiteiras, arbustos con froito, produtos micolóxicos, e outras plantas con tradición en Galicia: toxo, uces, xestas, vimbios... plantas ornamentais como a camelia, hortensia, ou as plantas aromáticas e medicinais. En todo caso, exclúense as coníferas non recollidas no

anexo I do DECRETO 73/2020, o bambú, as madeiras tropicais as recollidas no *Real Decreto 630/2013, de 2 de agosto, polo que se regula o Catálogo español de especies exóticas invasoras*, e na lexislación que deste decreto se derive. Poderase incentivar calquera actividade que incremente as posibilidades da rendibilidade e supervivencia das especies anteriormente mencionadas, por exemplo:

- Actividades de aproveitamento das especies para todo tipo de usos e produtos:
 - alimentación e bebida: froitos, cogomelos, licores, té, aceite, mel, etc
 - hixiene, saúde e estética: xabón, aceites, extractos, medicina homeopática, etc
 - usos ornamentais de plantas, parte da planta, musgos ou liques
 - reprodución e venda de especies ou sementes.
 - fabrís como mobles, monturas e mangos, formas e artesanía en xeral.
 - combustible fósil, leña ou biomasa